
МАРҒИЛОНДАГИ МАЛАКАЛИ ҚУРИЛИШ МУТАХАССИСЛАРИНИ ТАЙЁРЛАШ МАРКАЗИНИНГ 165 НАФАР БИТИРУВЧИСИГА СЕРТИФИКАТЛАР ТОПШИРИЛДИ

Марғилондаги вилоятда ягона бўлган Қурилиш соҳаси малакали мутахассисларни тайёрлаш марказида 8 турдаги йўналишлар бўйича таҳсил олиш истагини билдирган ёшлар 3 ойлик ўқув курсларини якунладилар.

Бугун мазкур ўқув курсларини тамомлаган 165 нафар битирувчиларга тантанали тарзда сертификатлар топширилди.

Маросимда Шарқий ҳарбий округ қўшинлари қўмондони ўринбосари Шухрат Абдуллаев, вилоят Касбий таълимни ривожлантириш ва мувофиқлаштириш бошқармаси бошлиғи Тўйчибой Бойматов, шаҳар ҳокими Адҳам Зиявитдиновлар қатнашиб, мутахассисликка эга бўлган ёшларга омад тиладилар.

Эндиликда мазкур марказ битирувчилари хорижий давлатларга ҳукумат томонидан юборилиб, ўз соҳалари бўйича фаолият олиб боришлари мумкин бўлади.

[Бизни ижтимоий тармоқларда кузатинг Facebook,](#)
2021-06-29 14:38:49